



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Theologia Moralis**

**Reiffenstuel, Anaklet**

**Monachii, 1699**

IV. Ex qua culpa teneatur Commodatarius, Depositarius, & hujusmodi, si res commodata, deposita, &c. apud ipsum pereat?

**urn:nbn:de:hbz:466:1-40206**

## QUÆSTIO IV.

Ex qua culpa teneatur Commodarius, Depositarius,  
& hujusmodi, si res commodata, deposita, &c. apud  
ipsum pereat?

Culpa aliter 34.  
accipitur  
apud Iuri-  
stas, quam  
Theologos  
& quomo-  
do?

Culpa juri-  
dica seu  
civilis;  
Casus, &

Dolus, quid-

Culpa juri-  
dicæ triplex.  
Lata, quæ  
æquipara-  
tur Dolo;

Leris, &

**A**dvertendum quoad propositum, quod Culpa aliter accipiatur apud Juristas, aliter apud Theologos: siquidem apud Theologos culpa idem est, ac peccatum, sive id mortale sit, sive veniale. Apud Jurisperitos vero culpa idem est, ac omissione alicuius diligentiae, unde sequitur quodpiam damnum proximo. Et potest facilè contingere, quod hujusmodi culpa juridica seu civilis sit homini involuntaria, & omni peccato coram Deo varetur: veluti si ex naturali oblivione librum tibi commodatum in publico loco reliquisti, unde sequitur ejus omissione, culpam juridicam commisisti, quamvis coram Deo nihil peccaveris, ob hujusmodi naturalem inadvertentiam.

35. Differt autem Culpa hujusmodi à Casu, & Dolo: nam culpa quæcunque civilis potest caveri diligentia hominis, cum sit omissione illius diligentiae, quam homines diligentes, vel saltem diligentissimi talis statutus, & conditionis, adhibere solent. Casus autem est rei inopinatae eventus, qui neque à diligentissimo prævideri, & caveri potest: sic casu fortuito fiunt, quæ contingunt per bellum, furtum latronum, terræmotum, gelu, grandinem, fulmina, & his similia. Dolus vero dicitur omnis calliditas, fallacia, & machinatione, ad circumveniendum, fallendum, & decipiendum alterum adhibita, L. i. ff. de Dolo malo.

36. Porro Culpa juridica, seu civilis, communiter dividitur in culpam latam, levem, & levissimam. Culpa lata est omissione ejus diligentiae & circumspectionis, quam passim homines ejusdem conditionis adhibere solent: qualis foret, si quis librum commodatum relinqueret foris ante ostium, qui proinde perditur. Et talis culpa lata, licet dolus propriè non sit, tamen in Jure æquiparatur dolo, L. i. ff. Si mens falsum &c. ibi: Lata culpa planè dolo comparabitur cum concordantij. Culpa levis est omissione ejus diligentiae, & circumspectionis, quam solent homines diligentiores illius conditionis, vel artis adhibere: & talis culpa foret illius, qui librum sibi commodatum intra cubiculum relinqueret, ostio tamen aperto; nam homines diligentiores solent clau-

claudere januam. Culpa tandem levissima est omissione ejus diligenter. Levissima, quam diligentissimi & prudenter adhibent: qualis foret quæ? ejus, qui librum sibi commodatum intra cubiculum relinquens clausit quidem ostium, sed non tentavit manu, an illud benè sic obseracum: prout hasce culpas exemplificat Navarrus cap. 17. Manualis, num. 178. & alij. His prænotatis, sit

37. CONCL. I. Si res apud Commodatarium, aut Depositorium fortuito casu pereat, ad nullam ipse restitutionem teneatur, aut (nam quælibet res domino suo perit) nisi aliter expressè sit Depositorium, aut ipse fuerit in mora reddendi, vel nisi ex sua culpa fuerit data occasio tali casui fortuito. Ita Doctores communiter, & habetur expressum in Jure Canonico cap. un. de Commodo, ibi: Cùm gratiâ sui tantum quis commodatum accepit, de levissima etiam culpa tenetur: licet casus fortuitus (nisi acciderit culpâ suâ, vel intervenierit pactum, seu in mora fuisset) sibi non debeat imputari.

Hæc ibi.

38. Additur notanter I. Nisi aliter expressè sit conventum. Nam Nisi aliter si pactum intervenit de præstando seu resarciendo damno, quo- modocunque res pereat, tenebitur quis etiam de casu fortuito, eò quod periculum rei in se suscepit, séque obligaverit ad quodcunque damnum resarcendum: siquidem contractus ex conventu nelegem accipiunt, Reg. 85. Juris in 6.

39. Additur II. Nisi fuerit in mora reddendi. Quia si quis tardaverit reddere domino Commodo post expletum ejus usum, in mora vel Depositum, postquam illud dominus repetivit, sicque fuerit in mora reddendi, tenebitur etiam de casu fortuito: nam mora sua cuiilibet est nociva. Reg. 5. Juris in 6. Intellige, nisi res eodem modo fuisset peritura apud dominum; quia tunc non censeretur domino fuisse causa damni, sicque non obligaretur ad recompensationem damni. Lessius lib. 2. cap. 7. n. 38. & alij.

40. Additur III. Nisi casus fortuitus suâ culpâ acciderit: prout fieret, si vas argenteum tibi pro convivio in civitate celebrando commodatum, tecum acceperisti peregrè profectus, sicque illud in naufragio, vel prædonum incursu perdidisti; nam tunc teneberis de hoc casu fortuito, utpote qui tuâ culpâ accidit, qua commodatum sine licentia commodantis foras extulisti. Et hæc tres limitationes expressè habentur in cit. cap. un. de Commodo.

41. CONCL. II. Sistendo intra limites Juris naturalis, nemo spectando tenetur de damno dato in re alterius, etiamsi sit apud ipsum ex ius naturæ.

Nnn 2. con-

le, quinam  
teneatur de  
damno dato  
in re alte-  
rius?

Secundum  
Leges hu-  
manas, te-  
netur Com-  
modatarius  
de culpa le-  
vissima; De-  
positarius  
solum de  
dolo: cur?

Tres Regu-  
lae, quantum  
ad propo-  
nendum.

I.

II.

III.

contractu, nisi ob dolum aut culpam latam; sive, nisi res illa pe-  
reat apud ipsum ex tanta sua negligentia seu culpa, quæ sit pec-  
atum mortale. Ita Lessius loc. cit. n. 38. cum alijs. Notanter dicitur,  
sistendo intra limites Juris naturalis, propter sequentem Con-  
clusionem: unde sit

42. CONCL. III. Spectando tamen Leges humanas, aliter  
de hoc est discurrendum: Siquidem, loquendo de Commodato,  
cum gratia sui tantum quis commodatum accepit, de levissima etiam  
culpa tenetur, ut habetur cit. cap. un. de Commodato, cum concor-  
dantijs. Econtra vero Depositarius ordinariè tenetur solum  
præstare dolum, & culpam latam, arg. L. 1. C. Depositi, ibi:  
*Qui depositum accepit, dolum solum & latam culpam præstare debuit;* &  
tenent Doctores communiter. Ratio diversitatis inter Com-  
modatarium, & Depositarium est: quia Depositum regulariter  
fit gratiâ solum deponentis, ut illud ipsi secure asservetur; Com-  
modatum vero gratiâ solum Commodatarij, cuius necessitatî  
atque indigentia per rem commodatam quis subvenit: atqui  
naturalis æquitas postulat, ut major adhibeatur diligentia in cu-  
stodienda re aliena, quam quis gratis ad solum suam utilitatem  
accepit, quam si eam accepisset ob alterius duntaxat gratiam &  
utilitatem.

43. Porro ut tota hæc materia clarijus præ oculis habeatur, en-  
tibi tres Regulas, quas Doctores passim assignant, atque de-  
sumunt ex varijs textibus utriusque juris. I. Regula est: In con-  
tractibus, qui celebrantur gratiâ dancis tantum (prout regulati-  
ter loquendo fit in Deposito) præstatur dolus, & culpa lata solum:  
exceptis tamen quibusdam contractibus, nempe Tutelæ,  
Mandati, & Negotiorum gestorum, in quibus ob specialem ra-  
tionem etiam præstatur culpa levis, ut dicitur I. Contractus, ff. de  
Reg. Juris, & amplius explicantur iste.

44. II. Si contractus fiat gratiâ recipientis tantum (prout regu-  
lariter fit in Commodato) tunc præstatur non solum dolus  
& culpa lata, sed etiam culpa levis atque levissima, arg. cit. c. un.  
de Commodato. Excipe Precarium, in quo, quia totaliter ex  
liberalitate concedentis descendit, atque ad libitum ejus quolibet  
tempore revocari potest, non nisi dolus & culpa lata præstatur,  
text. clar. I. Quæsumus, §. Eum quoque, ff. de Precario.

45. III. Quod si vero contractus fiat gratiâ utriusque (prout  
contingit in Pignore, quod datur & gratiâ Creditoris, ut ei fiat  
asscuratio rei creditæ; & gratiâ debitoris, ut ei sub asscuratio-  
ne

ne pignoris quidpiam in mutuo concedatur ) tunc præstatur dolus & culpa lata, simulque culpa levi, non autem levissima, arg. l. Si ncerto. §. Nunc videndum est. ff. Commodati, & tenent Doctores communicer. Verum occasione præmissorum

46. Quæres I. An datæ Regulæ, seu leges, obligent in conscientia ante sententiam Judicis ad reparationem damni, ex culpa duntaxat levi, vel levissima dati? Et nonanter additur, ex culpa duntaxat levi, vel levissima: nam si detur damnum ex do-  
lo, vel culpa lata (qualis, ut dictum, dolo æquiparatur) certum est, adesse obligationem in conscientia resarcendi damnum tertio cis?

illatum in contractibus, non minus, ac extra illos.

47. Resp. Quamvis probabilior, & communior sit sententia, dictas leges ita tuentes obligationem restituendi ratione damni, ob culpam levem, vel levissimam in contractibus dati, obligare in conscientia, & ante sententiam Judicis: nihilominus opposita sententia, negans talem obligationem in conscientia, saltem antequam ab altera parte exigatur, vel etiam ante sententiam Judicis, non est improbabilis, præsertim loquendo de damno ex culpa levissima dato. Ita Lugo disp. 8 de just. & ju-  
n. sect. 8. num. 105. Lessius lib. 2. cap. 7. num. 43. & in simili Sanchez lib. 1. de Mar. disp. 37. n. 4. citans alios. Ratio prioris parti est: quia ejusmodi obligatio non tam descendere videtur ex pacto, quam ex natura contractus, prout argumentatur Navarus cap. 17. Manualis, num. 184. contra Sotum: nam hoc ipso, quod quis ineat talum contractum, censetur se obligare ad præstandam eam diligentiam, quam leges & natura talis contractus requirunt.

48. Altera pars, quæ negat talem obligationem in conscientia, saltem antequam exigatur reparatio damni à parte adversa, vel etiam ante sententiam Judicis, ex eo suadetur: quia prædictæ leges contractuum non videntur cum tanto rigore in Foro conscientiæ receptæ; nemo enim est, qui pignori, vel rei conductæ, aut etiam commodatæ putat se majorem custodiæ debere ex Jusititia, ac pro Foro conscientiæ, quam dominus ipse adhibere solet. Accedit, quod potius censeatur esse casus fortuitus, saltem pro Foro conscientiæ, si ob culpam levissimam, quæ propter naturalem oblivionem & inadvertentiam accidere potest, periret res aliena tibi commodata, absque ulla tua culpa Theologica.

Nnn 3

49. Quæ-

An datæ Regulæ ob-  
ligent in  
conscientia  
ante sen-  
tentiam Judi-  
cis?

Loquendo  
de damno  
ex culpa le-  
vi, vel levissi-  
ma in con-  
tractibus  
dato, com-  
munior af-  
firmat.

Quid si du-  
bitetur, an  
culpâ tuâ  
damnum  
acciderit?


49. Quæres II. Quid juris, quando dubium existit, an culpâ tuâ damnum acciderit? Resp. Quando Depositarius, vel Commodatarius rationabiliter dubitat, an Depositum vel Commodatum suâ culpâ perierit, nec ne, satis convenit inter Doctores, quod is non teneatur in conscientia ad aliquam restitucionem: tum quia in dubio non præsumitur delictum: tum etiam quia in dubio melior est conditio possidentis. In Foro tamen externo, si res Depositarij manserint in columnes, præsumitur de do-  
lo, *arg. cap. 2 de Deposito*, ibi: *Bona fides abesse præsumitur, si rebus suis salvis existentibus, depositas amisisti: juncta l. Quod Nerva, ff. Depositi, cum concordantijs. Quod ultimum intelligendum eit; nisi Depositarius proberet, Depositum casu perisse, vel non potuisse simul cum rebus suis, imminente v. g. incendio, salvare: tunc enim cessaret præsumptio doli.*

Depositari-  
rius, vel  
Commoda-  
tarus, an  
possit salva-  
re res pro-  
pti s. omis-  
sis alienis, si  
non potest  
utrasque?

50. Quæres III. utrum Depositarius, vel Commodatarius possit subvenire proprijs rebus, vel potius teneatur salvare res depositas vel commodatas, si utrasque ob casum fortuitum, utrum ob exortum improvisum incendium, aut irruptionem hostium, salvare nequeat? Resp. hic opus esse distinctione: nam si res tuæ sint pretiosiores alijs depositis, vel commodatis, facentur omnes, quod possis præferre tuas pretiosiores alijs minus pretiosis, si ambas salvare nequeas; maximè cum quilibet magis teneatur diligere se, quam alium. Abbas *cap. 2. de Deposito*, & alii. Quod si verò res depositæ, vel commodatae sint pretiosiores tuis, tenéris eas præferre rebus tuis vilioribus, easque salvare tuis minoris momenti relictis: quia hoc suadet Prudentia, & æquitas naturalis.

An salvan-  
do alienas  
pretiosiores,  
possit petere  
compensa-  
tionem?

51. Notat tamen Lessius *lib. 2. cap. 27. num. 28.* & Layman *lib. 3. tract. 4. cap. 7. num. 7.* quod si Depositarius, vel Conductor, aliena proprijs præferendo, postius fuerit jacturam, is possit petere compensationem damni sibi emergentis, eò quod nulli officium suum debeat esse damnosum. Secùs est in Commodatio: nam cum in hujus solius gratiam Commodatum sit fa-  
ctum, tenetur is Commodantem servare indemnem,  
etiam diligentissimè custodiendo res sibi  
commodatas.



D.I.